

# Atuarfik pillugu Inatsisartut inatsisaat pillugu Namminersorlutik Oqartussat nalunaarutaat

Matumuuna Atuarfik pillugu Inatsisartut inatsisaat nr. 15, 3. December 2012-meersoq, Inatsisartut inatsisaat nr. 21, 13. November 2017-imi aamma Inatsisartut inatsisaat nr. 9, 19. November 2021-imi allannguutitalinni nalunaarutigineqarpoq.

## Kapitali 1

### *Nassuiaataa*

§ 1. Atuarfik tassaavoq kommunip atuariutaa, § 31, imm. 1 aamma 2 naapertorlugu, meeqqanut inuusuttunullu, atuartinneqartussaatitaasunut akeqanngitsumik ukiuni 10-ni atuartitsinissamik neqerooruteqartoq, tak. § 31, imm. 3.

## Kapitali 2

### *Atuarfiup siunertaa tunngavialu*

§ 2. Atuarfiup angerlarsimaffik suleqatigalugu pisussaaffigaa

- 1) ilikkagassanik pisinnaasassanillu pisariaqartunik tamanik atuartoq inooqataanikkut tunuliaqutai apeqqutaatinnaqit pissarsitissallugu,
- 2) atuartup piginnaasai ineriartortissallugit, peqqissutsikkut, inooqataanikkut misigissutsitigullu ineriartorteq ilaatillugu,
- 3) atuartup toqqissisimasumik namminersortumillu inooqataalernissaanut peqataassalluni,
- 4) tatisimaneqanngitsumik isumaliorsinnaaneq akaarinninnerlu atuartumi siuarsassallugit,
- 5) atuartut akornanni aamma ilinniartitsisut atuartullu akornanni akisussaaqatigiinneq suleqatigiinnerlu nukittorsassallugit kiisalu,
- 6) atuartut immikkut pisariaqartitallit immikkut isiginiarneqassasut.

*Imm. 2.* Atuarfiup ilikkartitsiniarnermini avatangiisit peqqinnartut toqqissisimanartullu neqeroorutigissavai, taamaasiornermigullu atuartup namminersortumik eqqarsarsinnaanera, akuersaaginnarani nammineq isummersinnaassuseqarnerminik piginnaassusai, isummaminik, nammineq isiginnittaatsiminik misigissutsiminillu oqaatiginnaassuseqarnera kiisalu anguniakkaminik angusiniarsinnaassutsimigut, allanngortitseriarsinnaassutsimigut, tunniussimassutsimigut pilersitseriarsinnaassutsimigullu piginnaasai siuarsassallugit.

*Imm. 3.* Atuarfiup atuartitsinermini atuartoq piginnaasassanik, suleriaatsinik atuagarsornikkullu piginnaasassanik iluaqutaasussanik pissarsinissamut periarfississavaa, taakkununga ilaatinneqassapput

atuartup piginnaasaminik ineriartortitsisinnaanissaa, ilinniagaqarnissamut inuutissarsiutitaarnissamullu piareersarneq kiisalu tamatigoortumik saqqummiusseriarsinnaaneq oqaatsinillu piginnaasat tamatigoortut.

*Imm. 4.* Atuarfiup ulluinnarni ingerlatsinini sulininilu imatut sinaakkusersussavaa, atuartuq imminut naleqartinnerminik, imminut tatiginerminik, suleqateqarsinnaassuseqarnerminik, akisussaassuseqarnerminik inunnnullu allanut ataqqinninnerminik ineriartortitsisinnaalersillugu.

*Imm. 5.* Atuarfiup suliamini tamani atuartup inuiaqatigiinni kinaassutsiminik, kulturiminik pingaartitaminillu paasinninnerminik ilisimasaminillu ineriartortitsinissaa tunngavilissavaa, inuiaat allat kulturiinik ilisimasaqarnera paasinnissinnaaneralu ineriartortissavaa, oqartussaaqataanermik eqqarsartaatsimut iseriartuaartinneqarnissaa isumagissavaa kiisalu oqartussaaqataanerminut, pisinnaatitaaffeqarnerminut, pisussaaffeqarnerminut inuiaqatigiillu ineriartornerannut pinngortitamullu naleqqussarniarnerminut atuartup nammineq akisussaqaataanerminik paasinnissinnaanera ineriartortissallugu.

**§ 3.** Atuartitsinerup pitsaassusianik naliliinissamik aamma atuartitsinerup pitsaassusianik nalileeriaatsinik aallaavissanik Naalakkersuisut kommunalbestyrelse peqatigalugu atuarfiup siunertaa tunngavialu naammassineqarsimanersut takuniarlugu piumasaqarsinnaapput.

*Imm. 2.* Atuartitsinerup pitsaassusianik nalileeriaatsinik Naalakkersuisut imm. 1 malillugu malittarisassanik aalajangersaasinnaapput.

### **Kapitali 3**

#### *Atuarfiup ilusaa annertussusaalu*

#### *Immikkoortui sivilissusaalu*

**§ 4.** Atuarfik ukiuni 10-ni atuarfiuvoq, alloriarfinnut pingasunut agguarsimasooq, tassaasut ukiuni 3-ni nukarlerni, ukiuni 4-ni akullerni kiisalu ukiuni 3-ni angajullerni atuarfik.

**§ 5.** Alloriarfinni ataasiakkaani atuartut klassinut ukioqatigiiaanut imaluunniit ukioqatigiiaanngikkaluanut agguanneqassapput atuartitsissutinilu ataasiakkaani atuartitsissutinillu akimuilluni ingerlatitsiffiusuni ingerlaqatigiinnilu nikerartuni, alloriarfimmi pineqartumi klassinit ataasiakkaanit arlallinnilluunniit atuartulinnik katitigaasuni atuartinneqassallutik, atuartut ataasiakkaat ilikkagassatut anguniagassanut naleqqiullugu pisariaqartitaat soqutigisaallu aallaavigalugit, tak. § 14, imm. 2, § 18 aamma 19.

Aaqqissuussinermi atuartut piginnaasaannik tunngaveqarluni immikkoortitsineq aallaaviussanngilaq.

*Imm. 2.* Atuartut alloriarfiit akimorlugit klassinut ingiaqatigiinnullu (holdinut) inissinneqarsinnaassapput, atuartut ukiumikkut agguataarnerisa tamanna periarfissaqartippassuk. Aaqqissuussinermi atuartut piginnaasaannik tunngaveqarluni immikkoortitsineq aallaaviussanngilaq.

*Imm. 3.* Klassinik pilersitsinermi anguniarneqassaaq atuartut kalaallisut ilitsoqqussaralugu oqaasillit aamma atuartut kalaallisut ilitsoqqussaralugu oqaasiliunngitsut, atuartut tamarmik amerlassusaannut naapertuuttumik agguanneqarnissaat.

§ 6. Klassimi ataatsimi atuartut amerlassusiisa ukiup atuarfusup aallartinnerani 26-t qaangissanngilaat, taamaattorli takuuk imm. 2.

*Imm. 2.* Naalakkersuisut malittarisassanik aalajangersaasinnaapput klassimi atuaqatigiit amerlanerpaaffissaannik ikilisitsisinnaaneq pillugu, atuartut ilinniartinneqarnerisa atugarissaarnissaasalu tamanna pisariaqartippagu.

#### *Atuartsinerup sivilissusia*

§ 7. Piffissaq atuartut atuartinneqarfissaat tiimit atuartsiffiusut 60 minutsikkaartut tunngavigalugit ukiumoortumik naatsorsorneqartassaaq.

*Imm. 2.* Nukarlerni ukiuni atuartsiffiusuni 3-ni tamani atuartut ukiumut minnerpaamik nalunaaquttap-akunnerini 700-ni atuartinneqartassapput. Akullerni atuartut ukiut atuartsiffiusut 4-anni minnerpaamik nalunaaquttap-akunnerini 890-ini, ukiut atuartsiffiusut 5-aanni minnerpaamik nalunaaquttap-akunnerini 920-ni, ukiullu atuartsiffiusut 6-anni 7-annilu minnerpaamik nalunaaquttap-akunnerini 970-ini atuartinneqartassapput. Angajullerni atuartut pinngitsoorani atuartsissutini, ukiut atuartsiffiusut 8-anni, minnerpaamik nalunaaquttap-akunnerini 880-ini, ukiut atuartsiffiusut 9-anni minnerpaamik nalunaaquttap-akunnerini 910-ni kiisalu ukiut atuartsiffiusut 10-anni minnerpaamik nalunaaquttap-akunnerini 920-ni atuartinneqartassapput.

*Imm. 3.* Imm. 2-mi aalajangersakkat sanioqqunneqarsinnaapput, atuartut ingerlaqatigiinni (holdimi) amerlassusaasa pisariaqartippassuk.

*Imm. 4.* Sapinngisaq naapertorlugu piffissap atuartut atuartinneqartarfissaata, ukiup atuarfusup sapaatip-akunneranut sapaatip-akunneratalu ulluinut oqimaaqatigiisumik agguataarneqartarnissaa anguniarneqassaaq, tak. § 8, imm. 1-3.

#### *Ukiup atuarfusup sivilissusia*

§ 8. Ukioq atuarfiusoq 1. august aallartittassaaq, ullullu atuarfusussat 200-niit 240-nut amerlassuseqassallutik, atuartsinerlu sapaatip-akunnerata ulluini siullerni 5-ni imaluunniit ulluini siullerni 6-ni pisassaaq.

*Imm. 2.* Immikkut aaqqissukkanik pikkorissartitsilluni ingerlatsinermi, atuartsissutit akimorlugit ingerlatsinermi, sammisanillu aalajangersimasunik qulequtsilluni, piareersariikkanik anguniagaqarluni, periutsillu taakku assigisaannik atuartsissutinik ingerlatsinermi, atuarfiit sapaatip-akunneranut ulluni 5-ni atuartsiffiusartut sapaatip-akunnerisa ulluisa 6-at atuartsivigisinnaavaat taamaattoqassappat atuarfik ukiup atuarfusup aallartinnissaa sioqqullugu tamanna pillugu pilersaarusioreersimassaaq.

*Imm. 3.* Atuartsineq sivikinnerpaamik sapaatip-akunnerini 36-ni sivilunerpaamillu sapaatip-akunnerini 40-ni ingerlanneqartassaaq.

*Imm. 4.* Naalakkersuisut atuannigiffissanik pilersaarusiaq, sumiiffinni ataasiakkaani atuannigiffissat pilersaarusiorterannut malittarisassanik aalajangersaassapput.

### **Kapitali 4**

#### *Atuartsinerup imarisai, aaqqissorneqarnera piareersarneqarneralu*

## *Atuartitsinermi oqaatsit*

**§ 9.** Atuartitsinermi oqaatsit tassaapput kalaallit qallunaallu oqaasii.

*Imm. 2.* Atuartut oqaatsinik ilikkartinniarneqarnerannut ilaatillugu tuluit oqaasii aammattaaq ilinniartitsinermi atorineqarsinnaapput.

## *Atuartitsinerup imaa aaqqissorneqarneralu*

**§ 10.** Alloriarfinni tamani – atuartitsissutitut ataasiakkaanut immikkoortiterilluni aamma immikkoortiterinani - atuartitsineq pissaaq, tak. §§ 11 - 13 atuartitsissutit qanitariissut makku iluanni:

- 1) oqaatsit, tassaallutik kalaallit oqaasii, qallunaat oqaasii, tuluit oqaasii kiisalu allamiut oqaasiisa pingajui,
- 2) kulturimik inuiaqatigiinnillu sammisaqarnermut ilaapput inuiaqatigiilerineq, oqaluttuarisaaneq kiisalu upperisalerineq isumalioqqissaarnerlu,
- 3) matematikki pinngortitarlu, tassaallutik matematikki pinngortitalerinerlu,
- 4) inuttut inerikkiartorneq, tassaallutik peqqinneq, inooqatigiinnikkut misigissutsikkullu ilikkagaqarniarneq, ilinniagaqarnissamik inuutissarsiutissamillu qinersiniarnermi paasisitsiniaaneq aamma tarnikkut inuttullu inooqatigiinneq pillugu sammisassat, kiisalu
- 5) mernguernartulerinerup iluaniipput atuartitsissutit angerlarsimaffimmi suliaassanik ilinniarneq, timersorneq, tassani ilaallutik silami sammisaqartarneq, nipilersorneq tassani ilaallutik erinarsorneq, aalaneq isiginnaartitsineq, eqqumiitsuliorneq tassani ilaallutik illuliortaaseq aamma assassorluni suliaassat ilusilersuinerlu, tassani ilaallutik sananeq aamma assassorneq.

*Imm. 2.* Atuartitsissutini ataasiakkaani aamma atuartitsissutini qanitariissuni tamani mernguernartulerineq ilikkartitsiniarnermi ikorfartuutitut ilaatinneqassaaq.

*Imm. 3.* Atuartitsissutini tamani aamma atuartitsissutini qanitariissuni tamani qarasaasialerineq, tassani ilaallutik teknologiimik paasinnineq, atortorissaarutininik digitaliusunik atuinermi ileqqorinnissaaq aamma attaveqaatinik digitaliusunik atuineq atuartitsinerup ilaatut atuartitsinermilu atortutut ilaatinneqassaaq.

*Imm. 4.* Mernguernartulerinerup iluani kulturimut aamma inooqatigiinnermut tunngasumik ingerlatat atuartitsinermi ilanngunneqarsinnaapput.

*Imm. 5.* Alloriarfinni tamani atuartitsinerup ingerlanneqartup ilaa atuartitsissutit akimorlugit ingerlatsinertut, aalajangersimasunik qulequtaqarluni sammisaqartitsinermi piareersariikkanillu anguniagaqarluni atuartitsinertut ingerlanneqartassaaq.

*Imm. 6.* Atuartitsinerup ilaa unnuinngikkaluarluni paasisassarsiorluni angalanertut aamma unnuinertalimmik tammaarsimaarnertut atuaqatigiillu angalaaqatigiinnerisut aaqqissuunneqarsinnaavoq.

*Imm. 7.* Atuartitsinermut nalinginnaasumut taarsiullugu atuarfik angalanernik unnuinertalinnik ingerlatsinissamut periarfissiisnaavoq.

*Imm. 8.* Sapaatip-akunnerata ulluini siullerni tallimani, nal. 8-miit 16-imut, atuartut, imm. 1-imi atuartinneqarnerup eqqartorneqartup nalinginnaasup saniatigut, perorsaaneq tunngavigalugu namminneq piumassusertik naapertorlugu peqataaffigineqarsinnaasaminnik neqeroorfigineqarsinnaapput.

## *Nukarlerni atuartitsineq*

**§ 11.** Nukarlerni atuartitsineq aaqqissuunneqassaaq meeqqanut sulī atualinngitsunut sammisat nangillugit.

*Imm. 2.* Nukarlerni atuartitsissutit qanitariissut ukuupput:

- 1) oqaatsit tassaasut kalaallit qallunaallu oqaasii,
- 2) kulturimik inuiaqatigiinnillu sammisaqarnermut ilaapput inuiaqatigiilerineq, oqaluttuarisaaneq kiisalu upperisalerineq isumalioqqissaarnerlu.
- 3) matematikki pinngortitarlu tassaasut matematikki pinngortitalerinerlu,
- 4) inuttut inerikkiartorneq, kiisalu
- 5) mernguernartulerineq tassunga ilaallutik eqqumiitsuliorneq, timersorneq kiisalu atuartitsissutit akimorlugit nipilersornermi aamma assassornermi ilusilersuinermilu ingerlatsinerit.

*Imm. 3.* Oqaatsinik atuartitsinermut aammattaaq ilaassapput allamiut oqaasiinik piginnaasaannik inerisaanarluni pilersitsiffiusumik sammisaqartitsineq. Atuartitsissutini qanitariissuni oqaatsini oqaatsit allat sammineqarsinnaapput.

#### *Akullerni atuartitsineq*

**§ 12.** Akullerni atuartitsissutit qanitariissut ukuupput:

- 1) oqaatsit tassaasut kalaallit, qallunaat tuluillu oqaasii kiisalu allamiut oqaasiisa pingajui,
- 2) kulturimik inuiaqatigiinnillu sammisaqarnermut ilaapput inuiaqatigiilerineq, oqaluttuarisaaneq kiisalu upperisalerineq isumalioqqissaarnerlu.
- 3) matematikki pinngortitarlu tassaasut matematikki pinngortitalerinerlu,
- 4) inuttut inerikkiartorneq kiisalu
- 5) mernguernartulerineq tassunga ilaallutik eqqumiitsuliorneq, timersorneq, assassorluni suliasat ilusilersuinerlu, angerlarsimaffimmi suliasanik ilinniarneq aamma nipilersorneq.

*Imm. 2.* Oqaatsinik atuartitsinermut ilaassinnaapput oqaatsit allat.

*Imm. 3.* Sammisani assassorissani sananermi aamma assassornermi aamma nipilersornermi sammisani erinarsornermi, aalanermi aamma isiginnaartitsinermi atuartitsineq pikkorissarnertut imaluunniit atuartitsissutit akimorlugit atuartitsinertut aaqqissuunneqassaaq.

*Imm. 4.* Atuartut akullerni atuartut siunnersorneqassapput ilinniagaqarnissamut suliffissatullu qinigassat pillugit.

#### *Angajullerni atuartitsineq*

**§ 13.** Angajullerni atuartitsissutit qanitariissut ukuupput:

- 1) oqaatsit tassaasut kalaallit, qallunaat tuluillu oqaasii aamma toqqakkatut allamiut oqaasiisa pingajui,
- 2) kulturimik inuiaqatigiinnillu sammisaqarnermut ilaapput inuiaqatigiilerineq, oqaluttuarisaaneq kiisalu upperisalerineq isumalioqqissaarnerlu.
- 3) matematikki pinngortitarlu tassaasut matematikki pinngortitalerinerlu,
- 4) inuttut inerikkiartorneq, kiisalu
- 5) mernguernartulerinermi ilaapput atuartitsissutit timersorneq aamma angerlarsimaffimmi suliasanik ilinniarneq.

*Imm. 2. Pinngortitalerinermetik atuartitsinermi, tak. imm. 1, nr. 3, immikkut atuartitsissutaassapput fysik/kemi, uumassuseqartulerineq aammalu pinngortitaleriffiusumik nunalerutit.*

*Imm. 3. Atuartitsissutini qinigassatut eqqumiitsuliernerup, assassornerup ilusilersuinerullu, nipilersornerup teknologiimik paasinninnerup iluani sammisassat neqeroorutigineqarsinnaapput. Sumiiffimmi periarfissat mernguernartulerinermi atuartitsissutitut qinigassatut neqeroorutigineqarsinnaapput.*

*Imm. 4. Atuartut angajullerni atuartut siunnersorneqassapput ilinniagaqarnissamut suliffissatullu qinigassat pillugit.*

*Alloriarfinni ataasiakkaani siunertat, atuartitsissutit siunertaat, ilikkagassatut pilersaarutit, ilitersuutit kiisalu nalunaaquttap-akunneri atuartitsinermi atugassat*

**§ 14.** Naalakkersuisut alloriarfinni ataasiakkaani atuartitsinermi anguniagassat pingaarnerit aalajangersassavaat aammalu § 10, imm. 1, nr. 1-imiit 3-mut eqqartorneqartuni atuartitsissutini kiisalu atuartitsissutini qanitariissuni § 10, imm. 1, nr. 4-mi 5-imilu taaneqartuni siunertassat ilanngullugit aalajangersassallugit.

*Imm. 2. Naalakkersuisut atuartitsissutit siunertaannut § 10, imm. 1, nr. 1-3-mi pineqartunut atuartitsissutissanut aamma § 10, imm. 1, nr. 4 aamma 5-mi qanitariissunut eqqaaneqartunut ilikkagassatut pilersaarutini suliaqassapput. Alloriarfinni ataasiakkaani atuartitsinermi anguniagassat pingaarnerit atuartitsissutillu kiisalu atuartitsissutit qanitariissut siunertaasa saniatigut, takuuk imm. 1, ilikkagassatut pilersaarutit imarivaat alloriarfinni ataasiakkaani ilikkagassatut anguniagassat, atuartitsinermetik ilitersuutit aamma naliliisanermik ilitersuutit.*

*Immikkut ittumik atuartitsineq aamma allatut immikkut perorsaanikkut ilinniartitsinikkullu ikiorsiisarneq*

**§ 15.** Atuartut piginnaasamikkut ajornartorsiuteqarnertik pissutigalugu nalinginnaasumik atuartitsinerup iluani immikkut ikiorserneqarnissaminnik pisariaqartitsinerat tunniunneqarsinnaanngippat, immikkut atuartinneqassapput allatullu annertusisamik immikkut perorsaanikkut ikiorserneqassallutik.

*Imm. 2. Atuartut atuarfimmi, imm.1 malillugu, naammattumik ikiorserneqarfigisinnaanngisaminni atuartuusut, atuartut angerlarsimaffini, atuartunut inissiani atuarfnniluunniit najugaqarfusuni immikkut aaqqissuussani § 25-mi eqqaaneqartuni najugaqarnissaminnik neqeroorfigineqassapput.*

*Imm. 3. Immikkut atuartitsineq aamma allatut immikkut perorsaanikkut ikiorsiineq malit-tarisassanik Naalakkersuisut aalajangersagaannik tunngaveqarluni aallartisarneqassapput, taamaaliornermi malittarisassat §§-ini 7, 8, 10, 11, 12, 13, 14, imm. 2 aamma 22, imm. 1-6-mi eqqartorneqartut sanioqqutaarneqarsinnaapput.*

*Naammattusaammik aamma ilitsoqqussaralugu oqaatsinik atuartitsineq*

**§ 16.** Atuartunut atuartitsissutini ataasiakkaani arlalinniluunniit nalinginnaasumik atuartitsinermut malinnaasinnaanngikkallartunut naammattusaammik atuartitsisoqarsinnaavoq makku peqqutaappata: 1) atuartup sivilisunerusumik atuartitaasimannginnera imaluunniit napparsimaneq peqqutigalugu atuartinneqarsimanera amigarsimappat,

2) atuarfimmit atuartsinerup imarisaasigut, periusaasigut annertussusaasigulluunniit, atuarfigiligaanut naleqqiullugu annertuumik allaassuteqartumit nuussimappat,

3) nunatsinnut nuuttuuppat kalaallilu oqaasiinik ilisimasaqariinngippat.

*Imm. 2.* Naalakkersuisut imm. 1 malillugu atuartsineq pillugu malittarisassanik aalajangersaasinnaapput.

**§ 17.** Atuartut kalaallisut qallunaatulluunniit ilitsoqqussaralugu oqaaseqanngitsut ilitsoqqussaralugu oqaatsiminnik atuartitaanissaminnik neqeroorfigineqarsinnaapput.

#### *Atuartsinerup aaqjissorneqarnera*

**§ 18.** Atuartsissutini tamani atuartsinerup aaqjissorneqarnera, atuartsiteriaatsit suleriaatsillu atorumasat ilanngullugit, periutsit, atuartsinermilu atortut atortussanillu atugassanik toqqaasarneq atuarfiup siunertaanut, alloriarfiit ataasiakkaat siunertaannut, atuartsissutit ataasiakkaat atuartsissutillu qanitariissut siunertaannut aamma ilikkagassatut pilersaarutitut naapertuuttuussapput. Atuartsineq allanngorartuussaaq, atuarut ataasiakkaat pisariaqartitaannut piginnaariigaannullu naapertuuttuussalluni.

*Imm. 2.* Atuarfiup pisortaata atuartsinerup pilersaarusiorneqarnermigut aaqjissuunneqarnermigullu atuartunut tamanut unamminartoqartinneqarnissaa qularnaassavaa.

*Imm. 3.* Atuartsitsissutini tamani ilinniartsisoq atuartorlu suleqatigiillutik ingerlaavartumik anguniagassaliortassapput. Atuartup sulinissaa anguniagassaliarisimasat tunngavigalugit aaqjissuunneqartassaaq. Suleriaatsinik, periutsinik aamma sammisassanik toqqaanerit aalajangersaanerillu ilinniartsisut atuartullu suleqatigiinnerisigut ingerlanneqartassapput.

*Imm. 4.* Kommunalbestyrelsi angajoqqaat isumasioreerlugit aalajangersinnaavoq atuartoq ukiumik atuarfusumik atuartitaaffigeriikkamini uteqqiilluni atuaqqissasoq, meeqqap ineriartorneranut tunngatillugu aalajangiisuusumik isiginiagassat tamanna pisariaqartippassuk. Assigisaanillu atuartoq pisuni immikkut illuinnartuni ukiumik atuarfusumik alluisinnaavoq.

#### *Iliuusissanik pilersaarutit aamma atuarut mappii*

**§ 19.** Atuartup ilinniartsisorisani isumasioqatigalugit iliuusissani pilersaarusiussavai, pilersaarusiarlu ingerlaavartumik naliliinermut ilaatinneqassaaq, tak. § 22, imm. 1 aamma 2, taannalu atuarup atuartinneqarnerata ilinniagaqaqqinniarnatalu ingerlateqqinneqarnissaanut tunngaviussaaq.

*Imm. 2.* Iliuusissanik pilersaarummi naliliinerni angusat aamma iliuuseqarnissami piviusunngortissallugit aalajangiussat ilaassapput. Atuartut atuarunnaartussat eqqarsaatigalugit iliuusissanik pilersaarutit atuarup siunissami ilinniagaqarnissamut suliffissaqarnissamullu anguniagai pillugit paasissutissanik imaqaassapput, tassunga ilanngullugit anguniakkat angunissaannut piumasaqaataasut.

**§ 20.** Atuarfiup pisortaata qulakkiissavaa atuarup mappiata atuartumut ataasiakkaamut nutartertuarnissaa atuartoq malinnaaffigisinnaanngorlugu piaartumik immikkut iliuuseqarnissaaq pisariaqarpat pisinnaanngortillugu soorlu ilinniarnermi ajornartorsiuteqartoqarpat, ilikkagassatigut amigaateqartoqarpat imaluunniit inooqataanikkut ajornartorsiortoqarpat.

**§ 21.** Naalakkersuisut iliuusissanik pilersaarutit aamma atuartut mappii pillugit malittarisassanik aalajangersaassapput.

*Naliliineq uppersaasiinerlu*

**§ 22.** Atuartitsinermut ilaatillugu atuartut ataasiakkaat atuartinneqarnerminnit pissarsiaat ingerlaavartumik nalilerneqartassapput. Naliliinerup aallaavigisassavaa atuartup nammineq naliliinera, atuartitsinerullu pilersarusioqqinneranut aamma atuartumut taassumalu angajoqqaavinut atuartup atuaqqinnissaanut, ilinniagaqqaqqinnissaanut inuutissarsiutigiumaagassaminillu qinigaqarnissaanut siunnersuinissamut tunngaviussalluni.

*Imm. 2.* Atuartut angajoqqaallu, tak. § 34, atuartup atuarnermini pissarsiaqarnera pillugu atuarfiup naliliineranik akuttunngitsumik nalunaarfigineqartassapput. Tassunga atatillugu atuartup ilinniartitsisorisani isumasioqatigalugit iliuusissatut pilersarusiarisimasaa oqaloqatigiissutigineqartassaaq § 19 naapertorlugu.

*Imm. 3.* Atuartup atuarnermini ingerlariaqqinnissaa pillugu pilersarusiornissamut tunngaviusussamik nukarlerni akullernilu atuarnerup naammassereernerani, atuartup atuarnermini pissarsiai nalilerneqartassapput. Naliliinermi ilaatinneqassapput ingerlaavartumik naliliinerup inerneris aamma atuartup naliliinerup nalaani atuartitsinermi piginnaasassatigut killiffii.

*Imm. 4.* Atuartup atuartitaanermini pissarsiai uppersaaserumallugit angajullerni atuarneq atuartup atuarnermini pissarsiaanik ataatsimoortumik naliliinermik inaarneqartassaaq. Naliliinermi angajullerni atuarsimanermi ingerlaavartumik nalilerneqartarnerit inerneris ilaatinneqassapput taamatullu atuartitsissutini atuartup peqataaffini tamani atuartup killiffii ilaatinneqassallutik.

*Imm. 5.* Angajullerni atuarnerup naammassinerani atuarfik atuarsimanermik uppersaasiussaaq. Uppersaasammik paasisutissiissutigineqassapput atuartitaaneq qanoq ittoq atuartup peqataaffigisimaneraa aamma atuartup atuartitaanermini ataatsimoortumik pissarsiaasa nalilerneqarnerisa inerneris, tak. imm.4, kiisalu paasisutissat pisariaqartut allat atuartup naliliinermut tamakkiisumut ilanngukkumasai.

*Imm. 6.* Atuartunut atuartitaasussaatitaanerup naammassinerani atuarunnaartunut aamma atuartunut § 27, imm. 3 tunngavigalugu klassit 9-aanni atuarernerup kingorna atuartuujunnaarsinnaanermik akuerineqarsimasunut atuarsimanermik uppersaasammik aamma nalunaarusiortoqassaaq paasisutissiissutigineqarlunilu atuartitaaneq qanoq ittoq atuartup peqataaffigisimaneraa aamma atuartup angajullerni atuartitaanermini ataatsimoortumik pissarsiaasa nalilerneqarnerisa inerneris, kiisalu paasisutissat pisariaqartut allat atuartup naliliinermut tamakkiisumut ilanngukkumasai.

*Imm. 7.* Naalakkersuisut ingerlaavartumik naliliisarneq pillugu erseqqinnerusumik malittarisassiussapput, tak. imm. 1, atuartut aamma angajoqqaat nalunaarfigineqartarnerat, tak. imm. 3 aamma 4 kiisalu imm. 5 aamma imm. 6-imi taaneqartut atuarsimanermik uppersaasatit imarisassaat ilulissaallu.

**§ 23.** Nukarlerni akullernilu misitsinnerni aamma angullerni inaarutaasumik misitsinneri atuarfiit immikkut angusaat kommunalbestyrelsep tamanut saqqummiuttassavai. Tamanut saqqummiussinermi inunnut ataasiakkaanut tunngassuteqartut takuneqarsinnaassanngillat.

*Klasselæreris*



**§ 24.** Klassit tamarmik ataatsimik klasselærereqassapput, taassumalu atuartup angerlarsimaffia atuartullu ilinniartitsisui allat suleqatigalugit atuartup atuarnernata anguniagassartaliornera pilersaarusiorneralu akisussaaffigissavai.

*Imm. 2.* Klasselærerip akisussaaffigaa, klassimi ataatsimooqatigiinnerup atuartut tamarmik toqqissinartumik aallaaveqarlutik atuarnissaannut aallaaviunissaa.

*Atuartunut angerlarsimaffiit, atuartunut inissiat atuarfillu najugaqarfusut immikkut aaqqissuussat*

**§ 25.** Atuartut tamarmik inatsit manna malillugu atuartitaanissamik neqeroorfigineqarnissaat qulakkeerumallugu, pisariaqartitsineq naapertorlugu atuartunut angerlarsimaffiit aamma atuartunut inissiat atuarfinnut pioreersunut atasut pilersinneqassapput.

*Imm. 2.* Atuartut angerlarsimaffinut inissiineq angajoqqaat, tak. § 34, qinnuteqarnerat tunngavigalugu aamma atuartup atuarfiullu isumasioqatigeereernerisigut pisassaaq.

*Imm. 3.* Atuartunut angerlarsimaffinni atuartunullu inissiani najugaqarneq angajoqqaanut akeqanngilaq.

*Imm. 4.* Atuarfinni najugaqarfusuni immikkut aaqqissuussani najugaqalersinneqarsinnaapput atuartut innarluutillit, atuaqqinnissaq/sungiusaqqinnissaq siunertaralugu angerlarsimaffiup avataaniinnissaq taakkununga annertuumik iluaqutaasussatut isigisariaqarpat.

*Imm. 5.* Atuarfinni najugaqarfusuni immikkut aaqqissuussani najugaqarneq angajoqqaanut akeqanngilaq.

*Imm. 6.* Imm. 4-mi taaneqartunut atuarfinnut najugaqarfusunut immikkut aaqqissuussanut atuartunik najugaqalersitsinermi aamma agguataarinermi kiisalu kommuniisa akiliisarnissaat pillugu Naalakkersuisut erseqqarissumik aalajangersaassapput.

*Imm. 7.* Atuartut atuartunut angerlarsimaffinniinneri atuartunullu inissianiinneri, tassunga ilanngullugit atuartunut angerlarsimaffiit atuartunullu inissiat illutaannut atortulersornerinullu aamma ilikkagaqarnissamut imarisassaannut minnerpaamik piumasaqaatit, pillugit Naalakkersuisut sukumiinerusunik maleruaqqusaliussapput.

*Atuartsinermi atortussat*

**§ 26.** Atuartsinermi atortussat pisariaqartinneqartut atuartunut akeqanngitsumik atugassanngortinneqassapput.

*Atuarfinni atuakkanik atorniartarfiit*

**§ 27.** Atuarfinni ataasiakkaani tamani atuakkanik atorniartarfinnik pilersitsisoqassaaq.

*Imm. 2.* Atuarfinni atuakkanik atorniartarfiit siunertaraat, atuarfiup siunertaata siuarsarneqarnissaanut ilinniartitsinermi atuarfimmi atuartunut ilinniartitsisunullu atortussanik pissaqartitsissalluni. Tamatumalu saniatigut atuarfinni atuakkanik atorniartarfiit atuartut sunngiffimminni soqutigisaat naatsorsuutigissavaat taamatullu ilinniartitsisut perorsaaneq pillugu tarnillu pissusaanik nalunngisassanik ingerlaqataajuarnissaminnut pisariaqartitaanik atuagassaqartittuassallugit.

*Imm. 3.* Atorniartarfinni suliamut atatillugu maleruagassanik Naalakkersuisut aalajangersaassapput, tak. atuakkanik atorniartarfeqarneq pillugu inatsisartut peqqussutaat.

## Kapitali 5

### *Misiligutaasumik suliaqarneq*

**§ 28.** Misiligutaasumik suliaqarnissaq siunertaralugu Naalakkersuisut inatsisip matuma kapitaliata 3-anni 4-aannilu atuarfiup ilusaanik, annertussusaanik, atuartitsinerup imarisaanik, atuartitsinerup aaqqissorneqarneranik piareersarneqarneranillu aalajangersakkanik sanioqqutitsinissaq, Atuarfiup siunertaanik ataavartitsinissamut naleqquttooq, akuerisinnaavaat, tak. § 2.

## Kapitali 6

### *Atuartitaasussaatitaaneq aamma angajoqqaat pisinnaatitaaffi pisussaaffilu*

#### *Atuartitaasussaatitaaneq*

**§ 29.** Meeraq kinaluunniit Kalaallit Nunaanni najugalik, imaluunniit sivikinnerpaamik qaammatini 6-inni tassani najugaqartussaq atuartitaasussaatitaavoq malittarisassat §§ 30 - 31-miittut malillugit.

#### *Atuartitaasussaatitaanerup imaa*

**§ 30.** Atuartitaasussaatitaanerup nassataraa atuarfimmi atuartitsinermut imaluunniit atuartinneqarnermut allamut atuarfimmi nalinginnaasumik piumasaasunut nallersuuttumut peqataanissamut pisinnaatitaaneq pisussaataitaanerlu.

*Imm. 2.* Atuarnerup ingerlanneqarnissaata naammassineqarnissaa atuarnerullu nalaani atuarfiup atuartunik nakkutilliisussaatitaanera pillugit Naalakkersuisut malittarisassanik aalajangersaassapput.

*Imm.3.* Meeqqat, nalinginnaasumik atuarfimmi piumasaasunut nallersuuttumik, angerlarsimaffimminni atuartinneqartut allatulluunniit atuartinneqartut, atuarfiup atuartitsineranut peqataassanngillat.

#### *Atuartitaasussaatitaanerup aallartinnera taamaatinneralu*

**§ 31.** Atuartitaasussaatitaaneq aallartissaaq atuarnerup aallartinnerani qaammatisiutit malillugit ukiumi meeqqap 6-inik ukioqalerfiani, taamaatissallunilu atuartup ukiumi qulini ataavartumik atuartinneqareerneratigut, taamaattoq tak. § 18, imm. 4.

*Imm. 2.* Angajoqqaat qinnuteqareernerisigut akuersereernerisigulluunniit kommunalbestyrelsip akuerisinnaavaa meeqqap atualernissaata atuartitaasussaatitaanerup aallartinneraniit ukiumik ataatsimik kinguartinneqarnissaa, tamanna meeqqap inerikkiartorneranik patsiseqarpat.

*Imm. 3.* Kommunalbestyrelsip angajoqqaat qinnuteqareernerisigut atuatoq ukiut 9-t atuareersimappat atuarunnaarnissaanik akuerisinnaavaa, tamanna immikkut patsisissaqartinneqarpat. Atuatoq ukiut 9-t atuareermermi kingorna atuarunnaarnissaminik akuerineqassappat inuussutissarsiummik ilinniarnermillu ingerlatsinissaa aallarnisaqqaartariaqarpoq.

#### *Allatsinneq atualernerlu*

**§ 32.** Atuarfimmi atualerneq pissaaq ukiup atuarfiusup aallartinnerani ukiumi meeqqap 6-inik ukioqalerfiani, taamaattorli tak. § 31, imm. 2.

*Imm. 2.* Kommunalbestyrelsip aalajangersinnaavaa atualernissamut allatsinneq piffissaliussap aalajangersimasup iluani pissasoq. Taamaakkaluartoq allatsinneq kingusinnerpaamik juunip aallaqqaataani pisimassaaq.

*Imm. 3.* Atualersussat allatsinnerat aamma atuarunnaarneq pillugit maleruagassanik Naalak-kersuisut aalajangersaasinnaapput.

#### *Angajoqqaat akisussaanerat*

**§ 33.** Angajoqqaat, tak. § 34, meeqqap atuartitaasussaatitaanermik eqqortitsinissaa akisussaaffigaat, atuartitaasussaatitaaneranullu akornusersuissanatik.

*Imm. 2.* Atuarfiup avataani atuarneq kommunimi atuartup najugaqarfīgisaani kommunalbestyrelsimut nalunaarutigineqassaaq.

*Imm. 3.* Atuartoq atuartitsinermut peqataasimanngippat angajoqqaat, tak. § 34, ornigullutik imaluunniit allagaqarlutik tamatumunnga pissutaasoq atuarfimmut nalunaarutigissavaat. Atuanngitsoorneq sapaatip-akunneri 2 sinnerlugit napparsimanermik peqquteqarpat tamatuma nakorsamit uppersaaserneqarnissaa atuarfiup angajoqqaanit piumasarisinnaavaa, tak. § 34.

#### *Angajoqqaat pisinnaatitaaffi pisussaatitaaffilu*

**§ 34.** Angajoqqaatut pisinnaatitaaffiit pisussaatitaaffillu, Inatsisartut inatsisaanni matumani pineqartut, inummit inunnilluunniit meeqqamut angajoqqaatut oqartussaaffeqartunit akisussaaffigineqarput.

*Imm. 2.* Atuarnerup aallartinnissaa sivisussusissaalu pillugit apeqqutit eqqarsaatigissanngikkaanni, atuarfiup inuk meeqqamik ulluinnarni pilersuisuusooq, angajoqqaatut oqartussaaffeqartut sinnerlugit iliuuseqarsinnaatitaasutut isigisinnaavaa.

### **Kapitali 7**

#### *Ilinniartitsisut sulisullu allat*

**§ 35.** Atuarfimmi atuartitsisinnaassagaanni atuarfimmi ilinniartitsisussatut ilinniarneq imaluunniit ilinniarneq naleqquttoq alla Naalakkersuisunillu akuerisaasoq naammassillugu ilinniarsimasariaqarpoq.

*Imm. 2.* Inuit immikkut piginnaassusillit atuartitsissutini ataasiakkaani atuartitsisinnaapput.

*Imm. 3.* Tiimini atuartitsiviusuni imm. 1-imi 2-milu eqqartorneqartunik atuartitsisulernerqarsinnaanngitsuni, inuit immikkut piginnaassusillit atuartitsisinnaapput.

*Imm. 4.* Atuartut angerlarsimaffini, atuartunut inissiani atuarfinnilu najugaqarfiusuni immikkut aqqissuussani, tak. § 25, immikkut perorsaanikkut ikiorsiinnermi, tak. § 15, kiisalu perorsaaneq tungavigalugu nammineq piumassuseq naapertorlugu sammisassani, tak. § 10, imm. 8, perorsaanikkut suliat isumaginissaannut atorfnitsinneqarsinnaapput isumaginninnermi perorsaatut ilinniarsimasut imaluunniit inuit naleqquttumik allamik ilinniagaqarsimasut.

*Imm. 5.* Inuit isumassuinikkut attaveqarfissamik isumaginnittut, tak. § 38, imm. 1 nr. 5, isumaginninnermi siunnersortitut, perorsaatut, ilinniartitsisutut, peqqissaasutut ilinniarsimassapput, imaluunniit suliamik

isumaginninnissamut piukkunnaateqalersitsisumik ilinniartitaanikkut imaluunniit piginnaasaqarnikkut assingusunik suliamik ingerlatsisinnaajumallutik tunuliaqutaqassallutik.

*Imm. 6.* Immikkut ittumik atuartitsinermi ilinniartitsisut immikkut atuartitsinermik ilinniagaqarsimasut imaluunniit allatut iliorlutik pisariaqartunik piginnaasaqalersimasut atuartitsissapput.

## **Kapitali 8**

### *Atuarfeqarfup aqunneqarnera*

**§ 36.** Naalakkersuisut pisussaapput isumagissallugit:

- 1) § 25, imm. 4 naapertorlugu atuarfiit najugaqarfusut immikkut aaqqissuussat,
- 2) perorsaanermut aamma tarnip pissusaanut tunngasunik siunnersuineq,
- 3) atuartitsinermi atortussanik inerisaaneq,
- 4) atuarfimmi ilinniartitsisunik pisortanillu pikkorissartitsisarneq, ilinniartitseqqittarneq ingerlaqqiffiusumillu ilinniartitseqqittarneq,
- 5) perorsaaneq inerisaanerlupillugit ilisimatusarneq kiisalu atuarfup ingerlanneqarneranik suliaanillu nalilersuineq.

*Imm. 2.* Naalakkersuisut kommunini ataasiakkaani imaluunniit kommunini arlalinni kommunalbestyrelsit isumaqatigiissuteqarfialugit isumagissassat imm. 1-imi nr. 1-imi taaneqartut taakkununga isumagissassanngortissinnaavaat.

*Imm. 3.* Naalakkersuisut ilisimasanik eqiterineq aamma siammarterineq isumagissavaat meeqqat atuarfianik kommunalbestyrelsip isumaginninnera nukittorsarniarlugu aamma nukinnik atorluaaneq sapinngisaq annertunerpaaq anguniarlugu. Kiisalu Naalakkersuisut sulinniutit sunniutaannik uuttuineq isumagissavaat ukunani:

- 1) immikkut ittumik atuartitsineq,
- 2) efterskolernerit sorliit ilinniarnermik aallartitsinissamut naammassinninnissamullu kinguneqarluarnerpaajusarnersut,
- 3) siunnersuinerit sorliit ilinniagaqalernermik kinguneqarluarnerpaajusarnersut,
- 4) atuarfinni angisuuni marlunnik ilinniartitsisoqartarnerup karakterit agguaqatigiissinnerinut aamma ilinniakkap naammassineqartarneranut qanoq sunniuteqartarnersoq,
- 5) ilinniarnertuunngorniarfimmi inuutissarsiutinillu ilinniartitsinerni ilinniarnermik taamaatitsisarnarup pinngitsoortinniarnarani sulinniuteqarneq,
- 6) ilinniartitsisutut ilinniarsimannngitsut atuartitsinerisa inaarustaasumik misilitsitsinerni karakterinut aamma ilinniarnermut sunniutaat,
- 7) ilinniartitsisut ilinniarnerminni atuartitsissutissat itisilerlugit ilinniarsimasaminnik atuartitsinerisa annertussusaat atuarfyllu angusaanut sunniutaat, aamma
- 8) inooqataanermi kingornuttakkat akornutit akiorniarlugit suliniutit.

**§ 37.** Atuarfik pillugu Inatsisartut inatsisaannik kommunit ingerlatsinerat Naalakkersuisut nakkutigissavaat.

*Imm. 2.* Naalakkersuisut paasissutissanik inatsit una naapertorlugu suliassamik isumaginissaannut pisariaqartutut isigisaminnik kommunalbestyrelse piumaffigisinnaavaat.

**§ 38.** Kommunalbestyrelse, tak. § 43, imm. 1, pisussaavoq isumagissallugit:

- 1) §§-ni 10-miit 12-imut aamma §§-ni 15-imiit 17-imut aalajangersakkat eqqartorneqartut tunngavigalugit atuartsineq,
  - 2) atuartunut peqqissuunissartik atugarissaarnissartilluunniit pissutigalugit sivisunerusumik atuarfimmi atuartinneqarsinnaangitsunut atuartsinissaq. Taamatut atuartsineq atuartut angerlarsimaffini, paaqqinniffimmi imaluunniit napparsimmavimmi kommunimi atuartup najugaqarfigisaani neqeroorutigineqassaaq,
  - 3) atuartut angerlarsimaffinik atuartunullu atuarfinnut pioreersunut atasunik inissianik pilersitsineq, tak § 25, imm.1,
  - 4) perorsaannermut aamma tarnip pissusaanut tunngasunik siunnersuineq,
  - 5) atuarfinni tamani isumassuinnikkut attaveqarfissanik pilersitsineq ingerlatsinerlu, atuarnermut toqqaannartumik attuumassuteqanngitsut ajornartorsiutit pillugit suliatigut, inulerinermilu piginnaasaqartumut inummut atuartoq ajornartorsiutit pillugit saaffiginnissinnaangorlugu.
  - 6) nunaqarfimmi atuarfik illoqarfimmi atuarfimmu atassuserneqarsinnaasoq, taamaalilluni illoqarfimmi atuarfiup pisortaa perorsaannikkut aaqqissugaanikkullu nunaqarfimmi atuarfimmu akisussaasuusinnaalluni, aamma
  - 7) atuarfimmi ataatsimi ineriartorneq ingerlaavartumik malinnaaffigineqassasoq.
- Imm. 2.* Naalakkersuisut imm. 1, no. 2-mi atuartsineq pineqartoq pillugu malittarisassiorsinnaapput.

**§ 39.** Kommunalbestyrelsip inatsimmi suliasarititaasut suliarisinnaavai kommunit allat kommunalbestyrelsii suleqatigalugit.

**§ 40.** Kommunalbestyrelsip kommunip allap kommunalbestyrelsia isumaqatigiissuteqarfigalugu atuartuutitik kommunip taassuma atuarfiini atuartinneqarnissaannut innersuussinnavai.

*Imm. 2.* Kommunip allap atuarfiinut taamaallaat innersuunneqarsinnaapput angajullerni atuartut atuartullu klassini immikkut atuartsiffiusuni atuartut imaluunniit atuarfinni immikkut atuartsiffiusuni atuartinneqartussat, kiisalu atuartut kommunip avinngarusimasortaaneersut kommunillu sanilerisap atuarfianut qaninnerusuniittut.

**§ 41.** Sumiiffinni kommunit agorneqarnerisa avataanniittuni suliasat, inatsit naapertorlugu kommunalbestyrelsimut suliasarititaasut, Naalakkersuisunit isumagineqassapput.

*Imm. 2.* Naalakkersuisut kommunalbestyrelse imaluunniit kommunalbestyrelsit arlallit isumaqatigiissuteqarfigisinnarlugit, suliasat imm. 1 malillugu Naalakkersuisunit isumagineqartussat taakkununga isumagisassanngortissinnaavaat.

**§ 42.** Anguniagassat sinaakkutissallu kommunalbestyrelsimut aalajangersarneqartut iluini, atuarfiit ataasiakkaat atuartsinerup pitsaassusaa akisussaaffigaat atuarfiup siunertaanut tunngavianullu naleqqiullugu, tak. § 2.

## Kapitali 9

### *Sumiiffinni ataasiakkaani aqutsineq*

## *Kommunalbestyrelse*

**§ 43.** Kommunalbestyrelse kommunip atuarfeqarfinut qullersaalluni akisussavog nakkutigissallugulu kommunimi meeqqat atuarfitaasussaatitaasut tamarmik atuarfimmu allatsinnissat imaluunniit atuarfimi nalinginnaasumik piumasarisaasunut nallersuuttumik atuartitaanissat. Kommunalbestyrelsip atuarfiit sulineranni anguniagassat sinaakkutissallu aalajangersassavai. Kommunalbestyrelse atuarfiit sulinerannik nakkutilliisuvoq, tassaasorlu atuarfiup Inatsisartut inatsisaanni matumani aalajangersakkanik eqqortitsinersut.

*Imm. 2.* Kommunalbestyrelsip makku aalajangiiffigisassavai:

- 1) Atuarfeqarfimmu aningaasaliissutit atuarfiillu ataasiakkaat aningaasaqarnikkut sinaakkutissat.
- 2) Atuarfiit pisortaannik atuartsisunillu atorfinitsitsineq soraarsitsinerlu. Atuarfiit pisortaannik ilinniartsisunillu atorfinitsitsineq aalajangerneqartassaaq atuarfimi pineqartumi siulersuisut oqaaseqaateqareernerisigut, tak. § 47, imm. 8.
- 3) Atuarfiup ilusiligaanera, tamatumunnga ilanngullugit atuarfiit amerlassusissat aamma atuarfiit ataasiakkaat alloriarfi, klassii, immikkut atuartsitsineq immikkullu perorsaanikkut ikiorsiisarnerit § 15-imi eqqartorneqartut kiisalu § 10, imm. 8 malillugu perorsaaneq tunngavigalugu nammineq piumassuseq naapertorlugu sammisassanik neqerooruteqarnerit. Aalajangiineq pisassaaq atuarfinni siulersuisut oqaaseqaateqareernerisigut.
- 4) Makku pillugit sinaakkutissat:
  - a) klassinik pilersitsineq,
  - b) atuartut tiimissaasa amerlassusissat, kiisalu
  - c) immikkut atuartsitsineq il.il.
- 5) Atuarfiit sumiiffinni ataasiakkaani inuiaqatigiit qaammarsaanermik peqatigiiffeqarnermillu suliaqartunik, piumassutsiminnik meeqqanut inuusuttunullu suliaqartunik suleqateqarlutik sulinnissat, kiisalu innuttaasut soqutiginnittut allat suleqatigalugit kulturikkut suliniutinik ingerlatsinnissaq ataqatigiissaarinissarluk pillugit nalinginnaasumik malittarisassat.
- 6) Atuarfiup pisortaannik naqitamik isumaqatigiissusiornissaq, tassani atuarfiup pisortaata perorsaanikkut akisussaanaa aamma isumagissai erseqqissarneqassapput.
- 7) Apeqqutit allat atuarfinnut ataasiakkaanut isumagisassanngortitaanngitsut, taakkununga ilaallutik atuarfinni allani atuartaanissamut innersuussinerit, allatsinnissaq atualernissarluk, atuarfimi nerisitsisarneq aamma kommunimi atuarfiup atuagaateqarfeqarneranik aaqquissuussineq pillugit malittarisassat.

*Imm. 3.* § 10, imm. 1-imi atuartsissutini aamma atuartsissutini qanitariissuni eqqaaneqartuni atuarfiit ilikkagassatut pilersaarutaannut ilassutit atuarfiit siulersuisunit ataasiakkaanit siunnersuutaasut tunngavigalugit kommunalbestyrelsimit akuerineqassapput, tak. § 47, imm. 9.

*Imm. 4.* Kommunalbestyrelsip inatsit una naapertorlugu pisinnaatitaaffini tamaasa ilaannaaluunniit atuarfinni siulersuisunut isumagisassanngortissinnaavai, § 23-mi, § 38, imm. 1-imi taaneqartut suliassat taamaallaat pisinnaatitaaffiit nakkutilliisutut, aningaasaliisartutut sulisitsisutullu oqartussaaffeqarnermik tunngaveqartut pinnagit.

**§ 44.** Atuarfinni siulersuisut oqaaseqaateqartereernerisigut kommunalbestyrelse kommunimi atuarfeqarfiup aqunneqarnera pillugu ileqqoreqqusaliussaaq. Ileqqoreqqusap makku pillugit

aalajangersakkat ilaatigut imarissavai:

- 1) angajoqqaat ilaasortaatitaasa atuarfiup siulersuisuini amerlassusissaat,
- 2) atuarfiup siulersuisuini taaseqataasinnaanani ataatsimeeqataasartussamik pisariaqartitsineq naapertorlugu toqqaaneq, tak. § 45, imm. 4,
- 3) atuarfiup siulersuisuini ilinniartitsisut atuartullu ilaasortaatitassaannik qinersinermi periusissat,
- 4) kommunalbestyrelsip § 45, imm. 10 malillugu angajoqqaat ilaasortaatititaannik qinersisarneq kipungasumik pisassasoq aalajangersimaneraa, aamma
- 5) kommunip atuarfeqarfiani ataatsimoorluni siunnersuisartoqatigiisusinnaasut katitigaanerat.

*Imm. 2.* Ileqqoreqqusap imarissavaattaaq pisinnaatitaaffiit § 43, imm. 4 naapertorlugu atuarfiup siulersuisuinut isumagisassanngortitaasimasinnaasut allaaserinerat.

*Imm. 3.* Ileqqoreqqusamut ilanngussami allanneqassapput kommunalbestyrelsip atuarfiup ilusiligaanera il.il. pillugit aalajangiineri, tak. § 43, imm. 2, no. 3-miit 7-imut.

*Imm. 4.* Naalakkersuisut ilitersuutaasumik nalinginnaasumik ileqqoreqqusaliussapput.

#### *Atuarfiup siulersuisui*

**§ 45.** Atuarfinni tamani atuarfiup siulersuisui ukuninnga ilaasortaqartut pilersinneqassapput:

- 1) Angajoqqaat ilaasortaatitaat 5, inuit, meeqqanut atuarfimmi atuartussatut allatsinneqarsimasunut angajoqqaatut oqartussaassuseqartut imaluunniit meeqqanut paaqqinnittussatut akuerisaasut, akornannit taakkunanngalu qinikkat. Angajoqqaat ilaasortaatitaat qinerneqassapput qinersisinnaatitaasut qinigaasinnaatitaasullu, tak. kapitali 1-i Inatsisartut inatsisaat Kalaallit Nunaanni Inatsisartunut qinersinermi,
- 2) ilinniartitsisut ilaasortaatitaat 2, atuarfimmi ilinniartitsisut akornannit taakkunanngalu qinikkat, aamma
- 3) atuartut ilaasortaatitaat 2, atuarfimmi atuartut akornannit taakkunanngalu qinikkat, taamaattorli tak. imm. 3.

*Imm. 2.* Atuarfiup atuartuisa amerlassusaat, alloriarfiit amerlassusaat klassit amerlassusaat pissutsillu taakku assigisaat naapertorlugit, angajoqqaat ilaasortaatitaat pingasuinnaassanersut kommunalbestyrelsip aalajangersinnaavaa. Atuarfiup siulersuisuini angajoqqaat ilaasortaatitaat 3-uppata, ilinniartitsisut 1-imik atuartullu 1-imik ilaasortaatitaqassapput.

*Imm. 3.* Atuarfinni taamaallaat klassit 7-iat ilanngullugu atuartitsiviusuni atuartut atuarfiup siulersuisuini ilaasortaatitaqassanngillat. Atuarfullu siulersuisuisa inassuteqaateqareernerisigut pisuni taamaattuni atuartut ilaasortaatitaqarnissaat kommunalbestyrelsip akuersissutigisinnaavaa.

*Imm. 4.* Atuarfiup siulersuisuisa tamanna pillugu qinnuteqareernerisigut kommunalbestyrelsip aalajangiussinnaavaa, inuk kommunalbestyrelsimi ilaasortaq atuarfiup siulersuisuisa ataatsimiinnerini taaseqataasinnaatitaanani peqataasassasoq. Taamaaliortoqarsinnaanngippat inuk kommunalbestyrelsimi ilaasortaanngitsoq kommunalbestyrelsip toqqarsinnaavaa.

*Imm. 5.* Atuarfiup siulersuisuini ilaasortat tamarmik taaseqataasinnaatitaapput, taamaattorli tak. imm. 12.

*Imm. 6.* Atuarfiup siulersuisuini siulittaasoq angajoqqaat ilaasortaatitaasa akornannit toq-qarneqassaaq.

*Imm. 7.* Atuarfiup pisortaa atuarfiup siulersuisuinut allattaavoq atuarfullu siulersuisuisa ataatsimiinnerini taaseqataasinnaatitaanani peqataasarluni. Atuarfiup pisortaata tullia atuarfiup siulersuisuisa ataatsimiinnerini aamma taaseqataasinnaatitaanani peqataasassaaq.

*Imm. 8.* Angajoqqaat ilaasortaataa qinigaaffiat ukiunik 4-nik sivisussuseqarpoq. Ilaasortat sinnerisa qinigaaffiat ukiumik 1-imik sivisussuseqarpoq. Inuit atuarfimmi pineqartumi atuartsisutut suliffeqartut atuarfiup siulersuisuini angajoqqaat qinigaattut ilaasortaasinnaanngillat. **Angajoqqaat sinniisaat atuarfimmi atuartsisutut atorfinippat, pineqartoq atuarfimmi siulersuisunit tunuassaaq.**

*Imm. 9.* Meerarisaq atuarfimmit anippat angajoqqaat ilaasortaataat atuarfiup siulersuisuini ilaasortaannerminut tunuarumasinnaavoq. Qinigassanngortinngitsoorsinnaanermut allatigullu ilaasortaannermut tunngasutigut kommunalbestyrelsinut, nunaqarfinnik aqutsisunut ilagiillu sinniisaannut qinersisarneq pillugu malittarisassat inatsisartut inatsisaanni aalajangersarneqarsimasut assingi atuupput.

*Imm. 10.* Kommunalbestyrelsip aalajangersinnaavaa angajoqqaat ilaasortaataa ukiut marluk-kaarlugit nikerartumik qinersinertut qinerneqartarnissaat.

*Imm. 11.* Atuarfiit marluk amerlanerusulluunniit ataatsimut katinneqarpata, kommunalbestyrelsip aalajangiussinnaavaa, atuarfinni siulersuisunut ilaasortat tamarmik ataatsimoorlutik atuutiinnassasut, ilaasortat ataasiakkaat qinigaaffisa naanissaasa tungaannut.

*Imm. 12.* Suliassat inunnut ataasiakkaanut tunngassuteqartut oqaluuserineqarnerini imaluunniit taasissutigineqarnerini atuartut ilaasortaataat najuussinnaatitaanngillat.

*Imm. 13.* Naalakkersuisut angajoqqaat ilaasortaataannik atuarfiup siulersuisuinut qinersisarneq pillugu aalajangersagaliussapput.

**§ 46.** Kommunalbestyrelsip angajoqqaat atuartullu ilaasortaataat sulineranni aalajangersimasumik akissarsiaqartissavai. Sulinermi akissarsiat annertussusaat atuarfimmi atuartut amerlassusaat, alloriarfiit amerlassusaat pissutsillu taakkununga assingusut naapertorlugit aalajangersarneqartassapput. Atuartut akissarsiaat angajoqqaat akissarsiaasa pingajorarterutaattut angissulerneqassapput.

**§ 47.** Atuarfiup siulersuisuisa sulinerit anguniakkat sinaakkutissallu kommunalbestyrelsimit aalajangersarneqartut iluanni ingerlatissavaat, tak. § 43, atuarfiullu ingerlatsinera aamma nakkutigissallugu.

*Imm. 2.* Atuarfiup siulersuisuisa atuarfiup atuartsinerata allanillu suliaqarnerata anguniagassartai aalajangersassavaat.

*Imm. 3.* Atuarfiup siulersuisuisa ukiut atuarfusut tamaasa, atuarfiup ukiumoortumik atuar-titsinissamut pilersaarussiaa akuersissutigisassavaat, tassanilu ilaatinneqassapput makku pillugit pilersaarutit:

- 1) atuartut tiimiisa amerlassusissaat,
- 2) atuartsissutit tiimissaasa amerlassusissaat,
- 3) atuartsissutini ataasiakkaani pikkorissaasarneq tunngavigalugu atuartsissutillu akimorlugit ingerlatsisarnissanik aqqissuussinerit,
- 4) atuarfimmi immikkut ittumik atuartsineq,
- 5) perorsaaneq tunngavigalugu nammineq piumassuseq naapertorlugu sammisassatut toqqarsinnaasat annertussusissaat,
- 6) atuartut klassinut inissitsiterneqarneri,
- 7) atuarfiup angerlarsimaffiullu suleqatigiinnerat, tak. imm. 4,
- 8) atuartup atuarnermini pissarsiai pillugit angerlarsimaffiit ilisimatinneqartarnerat,
- 9) ilinniartsisut akornanni suliassat agguataarneqarnerat,



10) atuarnerup nalaani atuartunut tamanut sammisassaqtitsiniutit, aamma

11) atuarfiup sulisuinik pikkorissaasarneq ilinniartsiteqqittarnerlu.

*Imm. 4.* Atuarfiup siulersuisuisa atuarfiup ingerlatai allat, tassunga ilanngullugit angerlarsimaffiup atuarfiullu atuartup atuartinneqarnermini ilinniartinneqarnissaminullu tunngasutigut ingerlanera pillugu isumasioqatigiittarnissaannut tunngasut, kiisalu atuarfiup angerlarsimaffiullu suleqatigiissutissaat allat malittarisassiussavaat.

*Imm. 5.* Atuarfiup siulersuisuisa, aningaasatigut sinaakktissat atuarfimmu atuuftussatut aalajangersarneqarsimasut iluanni, atuarfiup aningaasartuutissatut isertitassatullu missingersersuutai akuersissutigisassavaat.

*Imm. 6.* Atuarfiup siulersuisuisa atuartitsinermi atortussat akuersissutigisassavaat, torersaarnissarlu pillugu malittarisassat aalajangersartassallugit.

*Imm. 7.* Tunaartarisassat kommunalbestyrelsimi aalajangersarneqarsimasut iluanni atuarfiup siulersuisuisa akuersissutigisassavaat, kulturikkut ingerlatat ingerlanneqarnerat ataqatigiissarnerallu atuarfiup ingerlataanut ilaatinneqassanersut, tak. § 43, imm. 2, nr. 5.

*Imm. 8.* Ilinniartitsinik pisortanillu atorfinitsitsinerit pillugit atuarfiup siulersuisui kommunalbestyrelsimut oqaaseqaateqartassapput, tak. § 43, imm. 2, nr. 2.

*Imm. 9.* Atuarfiup siulersuisui kommunalbestyrelsimut § 10, imm. 1-im atuartitsissutitut atuartitsissutinullu qanitariissunut taaneqartunut ilassutitut ilikkagassatut pilersaarutitut siunnersuusiorsinnaavoq.

*Imm. 10.* Misiligaalluni inerisaanermilu suliat anguniakkanik sinaakktissanillu kommunalbestyrelsimi aalajangersarneqarsimasunik qaangiisussaattillugit, atuarfiup siulersuisui kommunalbestyrelsimut inassuteqaateqartassapput.

*Imm. 11.* Atuarfiup siulersuisui kommunalbestyrelsimut apeqqutit atuarfimmu pineqartumut tunngasut tamaasa pillugit oqaaseqaateqarsinnaallutillu siunnersuuteqarsinnaapput. Atuarfiup siulersuisui oqaaseqaateqartassapput, apeqqutit kommunalbestyrelsip atuarfiup siulersuisuinit saqqummiussai tamaasa pillugit.

*Imm. 12.* Ukiut atuarfiusut naammassineri tamaasa atuarfiup siulersuisui kommunalbestyrelsimut ukiup ingerlasimaneramik nalunaarusiortassapput. Ukiuortumik nalunaarusiami ukiup atuartitsiffiusussap tullissaani atuarfiup siulersuisuisa pingaarnersutigut sammisassatut pilersaarutaat aammattaaq ilaatinneqartassapput.

#### *Atuarfiup pisortaa*

**§ 48.** Atuarfinni tamani pisortamik atorfinitsitsisoqassaaq taannalu atuarfimmi allaffissornikkut perorsaanikkullu sulinermi aqutsisuussaaq aammalu atuarfiup ingerlatsinera pillugu atuarfiup siulersuisuinit kommunalbestyrelsimullu akisussaasuulluni.

*Imm. 2.* Atuarfiup pisortaata:

- 1) ilinniartitsisut perorsaanikkut siunnersussavai,
- 2) suliaat atuarfimmi atorfeqartut akornanni agguataarlugillu aqussavai, atuartitsinerullu pilersaarusiorneqarnermigut aqqissuunneqarnermigullu atuartunut tamanut unamminartoqarteqqullugu tak. § 18, imm. 2, aamma atuarfimmi nukiit pitsaanerpaamik atorluarneqaqqullugit,
- 3) pitsaassuseq pillugu ukiuortumik nalunaarusiornissaq isumagissavaa, tak. § 49, aamma

4) atuarfimmi atuartut pillugit aalajangigassat aalajangersimasut tamaasa aalajangiiffigisassavai, taamaattorli tak. § 31, imm. 2 aamma 3.

*Imm. 3.* Atuarfimmi pisortap ingerlatsinini atuarfimmi atorfeqartut suleqatigalugit ingerlatissavaa.

*Imm. 4.* Atuarfiup pisortaa, atuarfiup ukiumoortumik atuartitsinissamik pilersaarutaanik atuarfiullu suliassaanut allanut tunaartarisassanik, ukiut atuarfusut tamaasa, atuarfiup siulersuisuinut siunnersuusiussaaq, tak. § 47 imm. 3 aamma 4, kiisalu atuarfiup aningaasatigut isertitassai aningaasartuutissaalu pillugit missingersersuutinik siunnersuuteqassalluni, tak. § 47 imm. 5, kommunalbestyrelsip aningaasatigut sinaakkutissatut aalajangersagaasa iluanni, tak. § 43, imm. 2, nr. 1.

**§ 48 a.** Atuarfiup pisortaatut suliassaq isumagisinnaajumallugu pineqartoq atuarfimmi ilinniartitsisutut ilinniarnermik imaluunniit Naalakkersuisunit akuerineqartumik ilinniarnermik allamik naammassisaqarsimassaaq aamma kommunalbestyrelsit isumasioreerlugit Naalakkersuisunit aalajangersarneqartut malittarisassat naapertorlugit atuarfiup pisortaatut ilinniartitaanermik naammassisaqarsimassalluni, taamaattorli tak. imm. 2 aamma 3.

*Imm. 2.* Atuarfiup pisortaata piffissap atorfiniffiusup kingorna kingusinnerpaamik ukiut pingasut qaangiutsinnagit atuarfiup pisortaatut ilinniartitaanermi atuarfiup pisortaata naammassisaqarnissaa piumasaralugu atuarfiup pisortaatut ilinniartitaanermik naammassisaqarsimanngitsumik atuarfiup pisortassaanik kommunalbestyrelsi atorfinitsitsinnaavoq. Pisuni aalajangersimasumi, pissutsit immikkut ittut tamatumunnga pissutissaqartitsippata, atuarfiup pisortaatut ilinniartitaanerup naammassineqarsimanissaanut piffissaliussap ukiumik ataatsimik sivitsorneqarsinnaanera Naalakkersuisut akuerisinnaavaat.

*Imm. 3.* Kommunalborgstyrelsi atuarfinni mikinerusuni atuartunik 95-inik ikinnerusunik atuortoqartuni atuarfiup pisortaatut ilinniartitaanermik naammassisaqarsimanngitsumik atuarfiup pisortassaanik atorfinitsitsinnaavoq, atuarfiup pisortaa

1) aqutsinikkut allanik piginnaasaqarpat, imaluunniit

2) piginnaanngorsarnernik Naalakkersuisunit aalajangersarneqarsimasunik ingerlataqassaaq.

**§ 49.** Atuarfiup pisortaa pitsaassuseq pillugu nalunaarusiortassaaq ukiumi atuarfusumi pineqartumi 1. oktober sioqqullugu kommunalbestyrelsimut nassiunneqartussamik, taamaattorli tak. § 54, imm. 3.

*Imm. 2.* Pitsaassuseq pillugu nalunaarusiap imarisassavai ukiumi atuarfusumi kingullermi nukarlerni akullernilu misitsinnerni angusat, angajullerni inaarutaasumik misilitsinnerni angusat, iliuusissanik pilersarusiornerit, agguaqatigiissillugu klassini atuartut amerlassusiat, piffissaq atuartitsinermut atorneqarpoq, napparsimanerit pillugit naatsorsuinerit, piffissaq vikarinit atorneqartartoq, atuartunik atuarunnaartussanik ilinniagaqalernissaaq inuussutissarsiummillu toqqaanissaaq pillugit siunnersuinerup annertussusia aamma siuliani taaneqartup pitsaassuseq pillugu nalunaarusiornerup malitseqartinnera.

*Imm. 3.* Naalaakkarsuisut pitsaassuseq pillugu nalunaarusiornissaaq pillugu erseqqarinnerusunik aalajangersagaliorsinnaapput, tassani nalunaarutigalugu paasissutissat tapiliutassat pitsaassuseq pillugu nalunaarusiamiittussat.

*Siunnersuisutut ingerlataqartut*

**§ 50.** Atuarfinni tamani perorsaaneq pillugu siunnersuisoqatigiit pilersinneqassapput.

Siunnersuisoqatigiini ilaasortaasut tassaapput atuarfiup pisortaa aamma sulisut atuartsinermi suliaassanik perorsaaneq pillugu suliaassanik allanik ingerlataqartut tamarmik.

*Imm. 2.* Siunnersuisoqatigiit atuarfiup pisortaa siunnersortassavaat kiisalu atuarfinni ataasiakkaani perorsaaneq pillugu oqallinnermi ineriikkartitsinermilu isummersoqatigiiffusassallutik.

*Imm. 3.* Atuarfiup siulersuisua atuarfiup pisortaa peqqusinnaavaat perorsaaneq pillugu siunnersuisoqatigiit oqaaseqaataannik pissarsiniaqqullugu. Siunnersuisoqatigiit nammineerlutik atuarfiup siulersuisuut oqaaseqaateqarsinnaapput. Oqaaseqaatit taakku atuarfiup pisortaa aqutugalugu saqqummiunneqartassapput.

*Imm. 4.* Perorsaaneq pillugu siunnersuisoqatigiit atuartsut siunnersuisoqatigiivi apequtini taakkununga tunngassuteqartuni tamani tusarniaavigisassavaat.

*Imm. 5.* Siunnersuisoqatigiit suleriaasissartik nammineq aalangersassavaat.

**§ 51.** Atuarfinni tamani atuartsut siunnersuisoqatigiivi pilersinneqassapput. Atuarfinni mikinerusuni atuarfiup siulersuisui aalangiisnaapput, atuartsut siunnersuisoqatigiivisa suliassa atuatut tamarmik peqataaffigisaannik ingerlanneqassasut.

*Imm. 2.* Siunnersuisoqatigiit atuartsut tamanut sinnissuussapput.

*Imm. 3.* Siunnersuisoqatigiit atuartsut soqutigisaat pillugit oqallinnermi isummersoqatigiiffusassapput.

*Imm. 4.* Atuarfiup siulersuisua atuarfiup pisortaa atuartsut siunnersuisoqatigiivisa isumaannik tusarniaqqullugu piumaffigisnaavaat. Atuartsut siunnersuisoqatigiivi nammineerlutik atuarfiup siulersuisuut oqaaseqaateqarsinnaatitaapput. Oqaaseqaatit taamaattut atuarfiup pisortaatoortillugit ingerlatinneqartassapput.

## **Kapitali 10**

### *Naammagittaalliuteqartarnej pillugu malittarisassat*

**§ 52.** Atuarfiit ataasiakkaat inatsit manna naapertorlugu aalajangigaat pillugit naammagittaalliutit aalangiinnerup nalunaarutigineqarneranit sapaatip-akunneri sisamat qaangiutsinnagit kommunalbestyrelsimut saqqummiunneqarsinnaapput.

*Imm. 2.* Kommunalbestyrelsip suliassat Naalakkersuisut isumaqatigiissuteqarfigereernerisigut kommunalbestyrelsinut isumagissannortitaasimasut, tak. § 36, imm. 3 aamma § 40, imm. 2, pillugit aalangiinnerisa nalunaarutigineqarneranniit sapaatip-akunneri sisamat qaangiutsinnagit Naalakkersuisunut saqqummiunneqarsinnaapput.

*Imm. 3.* Naalakkersuisut imm. 1-imi aamma 2-mi taaneqartut avataasigut aaliangiinnerit ilaasa allat Naalakkersuisunut saqqummiunneqarsinnaanerat pillugu malittarisassaliorsinnaapput.

## **Kapitali 11**

### *Aningaasalersuineq*

**§ 53.** Atuarfimmi atuartsinermut, sanaartornermut ulluinnarnilu ingerlatsinermut aningaasartuutit tamaasa kommunit aningaasartuutigisassaraat, aningaasartuutit pineqartut tamakkiisumik

ilaannakortumilluunniit Namminersorlutik Oqartussanit allanilluunniit aningaasartuutigineqarnissaat inatsisitigut erseqqilluinnartumik tunngavissalernerqarsimangippat.

*Imm. 2.* Paasisassarsiorluni angalanerit, tammaarsimaarnerit atuaqatigiillu angalaneri § 10, imm. 6, taamaattoq tak. imm. 3, naapertorlugu ingerlanneqartussat piviusunngortinnissaannut aningaasartuutit pisariaqartut kommuninit matussuserneqassapput.

*Imm. 3.* Kommunalbestyrelsip piumasarisinnaavaa, atuartut ataasiakkaat angajoqqaavisa, atuartut angalanerminni nerisaqartinneqarnerat isumagissagaat. Tammaarsimaarnermi atuaqatigiillu angalaneranni § 10, imm. 6 aamma 7 naapertorlugu pisuni atuartup nerisaqarneranut aningaasartuutit kommunalbestyrelsip angajoqqaanut akileqqusinnaavai. Akiliisitsineq angissusilerneqartassaaq angerlarsimaffimmi aningaasartuutissaagaluit nalilersorneqarneri tunngavilersuutigalugit.

*Imm. 4.* Klassimi atuartut angajoqqaallu, tamatumani atuarfik suleqatigineqarsinnaalluni, katerseqatigiinnikkut imaluunniit allatigut peqatigiilluni iliuuseqarnikkut aningaasartuutisanik, imm. 2 aamma 3 naapertorlugu kommunimit matussuserneqartussaanngitsunik matusiniarlutik katersiniarsinnaapput allatulluunniit matussusiiniarsinnaallutik.

*Imm. 5.* § 10, imm. 6 aamma 7 naapertorlugu aqqissuussinernut atuartup peqataanissaa, imm. 3-ni aningaasartuutit eqqaaneqartut saniatigut, akiliuteqarnissamik allatulluunniit tunniussaqaarnissamik piumasaqaatitaqartinneqassanngilaq.

*Imm. 6.* Kommunit ingerlatsinerminni atuartumut ataatsimut aningaasartuutaasa aqqiissutissaat, tamatumunnga ilaatillugu atuartumut ataatsimut ilinniartisisut tiimit atugassaas, pillugit Naalakkersuisut aalajangersaasinnaapput.

## **Kapitali 12**

*Atortuulersitsineq, ikaarsaariarneq atorunnaarsitsinerlu pillugit aalajangersakkat.*

**§ 54.** Inatsisartut inatsisaat manna 1. januar 2013 aallarnerfigalugu atortuulersinneqarpoq, taamaattoqli tak. imm. 2.

*Imm.2.* Naalakkersuisut, kommunini tamani kommunalbestyrelsit tamanna pillugu isumaqatigiissuteqarfigereernerisigut, sanaartornermi pisussaaffiup kommuninut tunniunneqarnissaanik piffissaliussaq atugassarititaasussallu pillugit aalajangiisinnaapput. § 25, imm. 1 aamma § 53, imm. 1 tunngavigalugu sanaartornermik pisussaaffik tunniussinissap tungaanut Namminersorlutik Oqartussaniiginnarallassaaq. Naalakkersuisut kommunini tamani kommunalbestyrelsinik ikaarsaariarnermi aqqissuussinernik, kommunit annerpaamik oqartussaaqataanissaannik siunertaqartunik isumaqatigiissuteqarsinnaapput.

**§ 55.** Inatsisartut inatsisaata matuma atulersinneratigut Atuarfik pillugu Inatsisartut peqqussutaat nr. 8, 21. maj 2002-meersoq atorunnaassaaq, taamaattoq tak. imm. 2.

*Imm. 2.* Malittarisassat Atuarfik pillugu Inatsisartut peqqussutaat nr. 8, 21. maj 2002-meersoq naapertorlugu atuuttuusut, atuuttuinnassapput, atorunnaarsinneqarnissamik imaluunniit malittarisassanik Inatsisartut inatsisaat manna inatsisilluunniit allat naapertorlugit aalajangersakkanik allanik taarserneqarnissamik tungaannut.

---

Atuarfik pillugu Inatsisartut inatsisaata allanngortinneqarnera pillugu Inatsisartut inatsisaat nr. 21 ulloq 13. november 2017-imeersoq (Atuartitsinerup imarisaa, aaqqissuussaaneq, piareersaaneq aamma ilisimasanik katersisarneq pillugit malittarisassanik allannguneq)<sup>[i]</sup> atuutsitsilernissamut aalajangersaq una imaraa:

## § 2

Inatsisartut inatsisaat ulloq 1. januar 2018 atuutilissaaq.

---

Atuarfik pillugu Inatsisartut inatsisaata allanngortinneqarnera pillugu Inatsisartut inatsisaat nr. 9, 19. november 2021 (Atuartitsinerup imai, aaqqissugaanera, piareersarneqarnera, atuartut amerlassusaat, isumassuinikkut attaveqarfissaq aamma atuarfimmi pisortatut ilinniartitaaneq pillugu malittarisassat allanngortinneri)<sup>[ii]</sup> atuutsitsilernissamut aalajangersaq una imaraa:

## § 2

Inatsisartut inatsisaanni § 1, nr. 1, 12, 14, 15 aamma 20, ullormi 1. januar 2022 atuutilissapput.

*Imm. 2.* Inatsisartut inatsisaanni § 1, nr. 2-11, 13, 16-19 aamma 22-24, ullormi 1. august 2023 atuutilissapput.

*Imm. 3.* Atuarfimmi pisortatut ilinniartitaaneq pillugu Inatsisartut inatsisaanni § 1, nr. 21, ullormi 1. januar 2023 atuutilissaaq, atuarfimmilu atuarfiup pisortaatut ullormi 1. januar 2023 atorfinitsinneqartunut atuutissanani.

---

*Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik, ulloq 26. april 2023*

**Karl Davidsen (atsior.)**

Naalakkersuisoqarfimmi pisortaq

/ Claus Kleemann (atsior.)

[i] Inatsimmi allanngortinneqartumi pineqarput § 18, imm. 4, § 25, imm. 7, § 31, imm. 1 aamma § 36, imm. 3.

[ii] Inatsimmi allanngortinneqartumi pineqarput § 6, § 10, imm. 1, nr. 2 aamma 5, § 10, imm. 3 aamma 4, § 11, imm. 2, nr. 2 aamma 5, § 12, imm. 1, nr. 2 aamma 5, § 12, imm. 3, § 13, imm. 1, nr. 2 aamma 5, § 13, imm. 3, § 14, imm. 2, § 35, imm. 4 aamma 5, § 38, imm. 1, nr. 5, § 43, imm. 2, nr. 3, § 43, imm. 3, § 47, imm. 3, nr. 4, § 47, imm. 9, § 48, imm. 1, § 48 a, § 53, imm. 2, 3 aamma 5.

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut